



INFORME SOBRE A PROPOSTA DE RELACIÓN DE POSTOS DE TRABALLO DA CONSELLERÍA DE MEDIO AMBIENTE, TERRITORIO E VIVENDA (Expte: MA-M-08-2019)

Con data do 5/12/2019, recíbese escrito da Secretaría Xeral Técnica da Consellería de Medio Ambiente, Territorio e Vivenda, no que solicita o informe sobre a proposta da relación de postos de traballo desa consellería.

Acompáñanse memorias funcional e económica.

Non consta no expediente o informe á Dirección Xeral de Avaliación e Reforma Administrativa (DXARA) da presente proposta de modificación da RPT, segundo o disposto no artigo 41.2.E.a) do Decreto 74/2018, do 5 de xullo, polo que se establece a estrutura orgánica da Vicepresidencia e Consellería de Presidencia, Administracións Públicas e Xustiza.

De conformidade co establecido no artigo 22.2 do Decreto 30/2017, do 30 de marzo, polo que se establece a estrutura orgánica da Consellería de Facenda, emítase o seguinte:

INFORME:

Primeiro.- Mediante o Decreto 42/2019, do 28 de marzo, establécese a estrutura orgánica da Consellería de Medio Ambiente, Territorio e Vivenda. (DOG núm. 79 do 25 de abril de 2019) que se estrutura nos seguintes órganos superiores e de dirección:

- a) O/a conselleiro/a.
- b) A Secretaría Xeral Técnica.
- c) A Dirección Xeral de Calidade Ambiental e Cambio Climático.
- d) A Dirección Xeral de Patrimonio Natural.
- e) A Dirección Xeral de Ordenación do Territorio e Urbanismo.

Quedan adscritos a esta consellería os seguintes organismos e entes:

a) O organismo autónomo Instituto de Estudos do Territorio, creado pola Lei 6/2007, do 11 de maio, de medidas urxentes en materia de ordenación do territorio e do litoral de Galicia, en virtude do mandato recollido na Lei 10/1995, do 23 de novembro, de ordenación do territorio de Galicia, e cuxos estatutos foron aprobados polo Decreto 244/2011, do 29 de decembro.

b) O organismo autónomo Instituto Galego da Vivenda e Solo, creado pola Lei 3/1988, do 27 de abril.

c) O ente público de natureza consorcial Axencia de Protección da Legalidade Urbanística, creado pola Lei 9/2002, do 30 de decembro, de ordenación urbanística e protección do medio rural de Galicia, e cuxos estatutos establece o Decreto 213/2007.

Segundo.- A vixente RPT, a modificar no expediente de referencia, ten a súa orixe na RPT da extinta Consellería de Medio Ambiente e Ordenación do Territorio que foi publicada mediante Resolución do 12 de maio de 2017 pola que se ordena a publicación do Acordo do Consello da





Xunta de Galicia do 11 de maio de 2017 polo que se aproba a relación de postos de traballo da Consellería de Medio Ambiente e Ordenación do Territorio. (DOG núm. 97, do 23 de maio) modificada posteriormente polo Acordo do Consello da Xunta de Galicia do 18 de xullo de 2019 polo que se aproba a modificación da relación de postos de traballo da Consellería de Medio Ambiente, Territorio e Vivenda.(DOG Núm. 143 do 30 de xullo de 2019).

Terceiro.- A modificación da relación de postos de traballo proposta ten por obxecto:

1º.- A execución da sentenza do Tribunal Superior de Xustiza de Galicia do 3/07/2019 da Sección 001 da Sala do Contencioso Administrativo que estimou parcialmente o recurso interposto polo Colexio de Enxeñeiros de Camiños Canles e Portos contra o Acordo do consello da Xunta de Galicia do 11/05/2027 polo que se aproba a relación de postos de traballo da Consellería de Medio Ambiente e Ordenación do Territorio.

Na RPT impugnada ademais de adaptar as unidades da consellería á estrutura organizativa dese momento, procedeuse tamén a **adaptar os postos de traballo aos corpos/escalas** previstos nas disposicións adicionais oitava e novena da Lei 2/2015, do 29 de abril do emprego público de Galicia.

Esta adaptación supuxo a **eliminación da titulación requirida para os postos** (ao ser necesaria para o acceso á escala correspondente) e de moitos dos méritos requiridos que se entenden xa engadidos nos propios, para acceder á escala de referencia. Deste xeito, os postos configúranse en relación coas funcións que teñen atribuídas e a titulación que se requiría nos mesmos.

O recurso contencioso-administrativo interposto polo Colexio de Enxeñeiros de Camiños Canles e Portos impugna a configuración na RPT de 12 postos de traballo cuxo contido e funcións estiman que poden ser desempeñados por funcionarios pertencentes a esa escala.

“A) Na Subdirección Xeral de Coordinación Ambiental:

- MA.C03.00.001.15770.018 XEFATURA AREA INTERVENCION AMBIENTAL I, Subgrupo A1, reservada a Enxeñeiros Agrónomos e Industriais.
- MA.C03.00.001.15770.020 XEFATURA ÁREA INTERVENCIÓN AMBIENTAL III, Subgrupo A1, reservada a Enxeñeiros Agrónomos e Industriais.
- MA.C03.00.001.15770.025 XEFATURA UNIDADE INTERVENCIÓN AMBIENTAL I, reservada a Enxeñeiros de Minas e de Montes.

B) Na Subdirección Xeral de Avaliación Ambiental:

- MA.C05.00.002.15770.012 XEFATURA ÁREA TÉCNICA II, reservada a Biólogos e Enxeñeiros de Montes.
- MA.C05.00.002.15770.017 XEFATURA SECCIÓN AVALIACIÓN AMBIENTAL, reservada a Enxeñeiros de Minas e Montes.
- MA.C05.00.002.15770.022 XEFATURA AREA TECNICA, reservada a Biólogos e Enxeñeiros Agrónomos.

C) En la Subdirección Xeral de Residuos, 1 praza:





-MA.C05.00.003.15770.025 SECCION CONTROL TRASLADOS E INFORMACION RESIDUOS, reservada a Enxeñeiros Agrónomos e de Montes.

II) Nas Xefaturas Territoriais de Lugo, Ourense e Pontevedra, cinco prazas:

-MA.C99.10.001.27001.009 XEFATURA SECCION XESTION AMBIENTAL III reservada a Enxeñeiros Industriais e de Montes.

-MA.C99.10.001.32001.005 XEFATURA SECCION XESTION AMBIENTAL I, reservada a Enxeñeiros Industriais e de Montes.

-MA.C99.10.001.32001.013 XEFATURA SECCION XESTION AMBIENTAL III, reservada a Químicos.

-MA.C99.10.001.36001.005 XEFATURA SECCION XESTION AMBIENTAL II, reservada a Enxeñeiros Agrónomos e de Montes.

-MA.C99.10.001.36001.008 XEFATURA SECCION XESTION AMBIENTAL III, reservada a Enxeñeiros Industriais.

Deste xeito o Tribunal comprobou as funcións específicas e propias de cada un dos postos de traballo e a motivación exposta pola Administración que consta no expediente de referencia desestimando o recurso en canto á configuración de 8 postos de traballo por estimar que as funcións destes postos atopábanse acordes coas propias das escalas aos que figuran adscritos na RPT.

Por todo iso o recurso foi estimado parcialmente e dita sentenza declara contrario a dereito e anula o Acordo impugnado en canto á falta de inclusión da titulación de Enxeñeiro de Camiños, Canles e Portos entre as titulacións que permiten o acceso aos seguintes postos de traballo:

-MA.C05.00.002.15770.017 XEFATURA SECCIÓN AVALIACIÓN AMBIENTAL.

-MA.C99.10.001.27001.009 XEFATURA SECCION XESTION AMBIENTAL III.

-MA.C99.10.001.32001.005 XEFATURA SECCION XESTION AMBIENTAL I.

-MA.C99.10.001.32001.013 XEFATURA SECCION XESTION AMBIENTAL III.

“Declarando que estes postos de traballo quedan abertos á titulación de Enxeñeiros de Camiños, Canles e Portos, debaendo modificarse deste xeito a RPT impugnada”.

2º.- Modificacións derivadas do “Acordo asinado o 11 de outubro do 2018 entre a Consellería do Medio Rural; a Consellería de Medio Ambiente, Territorio e Vivenda; a Consellería de Facenda e as organizacións sindicais, sobre as condicións de traballo dos axentes forestais e medioambientais”.

O parágrafo Segundo de dito acordo fai constar o seguinte:

“Modificación da configuración dos postos de traballo pertencentes ás diferentes categorías de axentes forestais e facultativos medioambientais.





a) *Os funcionarios das escalas de axentes forestais e facultativos medioambientais verán incrementadas as funcións que teñen encomendadas coa asunción da nova regulación das obrigas de Xestión de Biomasa que resulta da última modificación da lei de incendios, de participación no caso de que fosen requiridos en operativos de emerxencias (busca e rescates), operativos de extinción de incendios en espazos naturais protexidos así como a realización de actuacións de protección e de conservación do patrimonio natural dentro dos espazos naturais protexidos tales como: toma de datos de xeoreferenciados, levantamento de planos, inspección e seguimento de ocupacións, cambios de uso do solo, e, fundamentalmente, a vixilancia da correcta xestión de biomasa en zonas incluídas na rede natura 2000 ou limítrofes a esta. Para este último fin, previo ao comezo de cada período que se defina como época de perigo de incendios, emitirán un informe sobre o estado das zonas das redes de franxas de xestión de biomasa do distrito correspondente. Igualmente realizarán as funcións inspectoras establecidas na normativa de patrimonio natural.*

b).- *Como contrapartida, increméntase:*

1) *O nivel de complemento de destino dos postos das diferentes categorías de axentes no período comprendido entre o ano 2019 e 2020, a razón dun nivel cada una desas anualidades, de tal xeito que:*

- *1 de xaneiro de 2019 os complementos de destino 14, 16 e 18 pasarán a incrementarse de forma que quedarán en niveis 16, 17 e 19 respectivamente.*
- *1 de xaneiro de 2020 os complementos de destino 16,17 e 19 pasarán a incrementarse nun grao cada un deles de forma que quedarán en niveis 17, 18 e 20 respectivamente.*
- *Día 1 de xaneiro de 2021 o complemento de destino 17 pasa a incrementarse nun grao de forma que nesta data acada o nivel 18.*
- *O incremento de niveis leva aparelado o incremento de contía correspondente segundo a orde de confección de nóminas no complemento específico asociado.*
-

2) *O compoñente singular do complemento específico, a razón de 20 € ao mes en cada unha das anualidades correspondentes aos anos 2019, 2020 e 2021”.*

Por conseguinte procede materializar nos anexos da RPT as modificacións referidas para o ano 2020.

De conformidade co exposto, e consideradas as xustificacións organizativas e funcionais contidas na proposta, este centro directivo **INFORMA FAVORABLEMENTE** a proposta da relación de postos de traballo da Consellería de Medio Ambiente, Territorio e Vivenda procedendo a sometela ao preceptivo informe da Dirección Xeral de Planificación e Orzamentos.

Incorpórase a este informe o Anexo da RPT, así como a memoria funcional e económica remitida.

Asinado electronicamente en Santiago de Compostela

O director xeral da Función Pública
José María Barreiro Díaz

